

卷三



書名 譚襄敏公遺集三卷首一卷末一卷 嘉
 靖二十四年序刊與譚襄敏公奏議合印
 本
 撰者 明 譚綸 撰
 卷 卷三
 內容分類 集-別集-明中葉
 索書號 大木-總類-奏議-別集-20
 編號 D7450200

[彩色首頁1](#)

[東洋文化研究所漢籍目錄 編號: D7450200](#)

[東洋文化研究所漢籍目錄所藏漢籍善本全文影像資料庫 索書號: 大木-總類-奏議-別集-20](#)

[漢籍善本全文影像資料庫文本 譚襄敏公遺集三卷首一卷末一卷 嘉靖二十四年序刊與譚襄敏公奏議合印本](#)

版權所有: [東京大學東洋文化研究所](#)
[使用上的注意事項](#)

譚襄敏公奏議卷之一

知宜黃縣事後學武原顧所有纂修



恭謝

天恩疏

嘉靖四十二年二月望日題

前任浙江布政使司右叅政兼按察司副使

勅 嘉靖四十年三月十九日以父憂離任本年

簡因廣寇流突江西伏蒙

卓復臣原職事寧伏蒙

譚襄敏公奏議

卷之三

海寇已寧比例陳懇乞

天恩俯容補制以廣

聖孝疏

嘉靖四十年三月十九日臣以參政丁父憂回籍守制至本年十一月間伏蒙

聖恩起臣原職領浙兵往江西殺賊至四十一年九月間賊平具

奏終制未幾又以倭奴攻陷興化府城又蒙

聖恩起臣原職領浙兵往福建殺賊尋

言襄敏公奏請
卷之二
三
授臣節鉞時計臣父之喪甫及大祥烏烏之私缺然
未盡而不敢以

請者竊念

皇上所以奪臣於縵經之中誠以福建之寇頗著猖
狂故以金革之事責之於臣而臣不敢不强起
任事計事竣且得

請耳乃自夏徂秋山海之寇業已次第蕩平臣因具
疏陳乞補制庶幾公義私恩兩無所憾顧疏發
未幾而警報復至臣又差人追回捐軀事敵茲

荷

皇上玄威廣運二萬之寇被我水陸掩殺福建地方
已幸平寧且善後皆有成議文武不至乏人臣
亦可藉是以仰答

明命於萬分之一矣臣惟我

朝成憲凡人子執親之喪皆不計閏二十七個月
夫官吏給由必計閏而守制則不計閏者蓋推
人子無窮之心雖加一日愈于已之意此我

太祖高皇帝以孝治天下所以立人極開太平於萬

萬世也近該吏部題奉

欽依今後內外官員凡遇本生父母亡故許給假回籍治喪夫我

朝令甲無爲本生父母給假治喪之例而今乃得以遂其情事者此又我

皇上以孝治天下所以立人極開太平於萬萬世也

伏念臣亦人子也遭臣父之喪雖已服除然臣

居苦塊前後纔十四月耳餘皆在墨纒之中夫

起復墨纒旣已居位而食祿矣固非閏月之比

而身爲人子又與爲後者有間乃貪位嗜進不

一哀訴於

君父之前以求盡一日之私則在臣父猶無子而於

臣心爲無親臣復何面目立於

皇上盡倫盡制之

朝乎臣用是跼蹙弗安故敢援例陳

請伏望

皇上憫臣缺然未盡之情無所解於其心之私

勅下該部查照不計閏之例放臣回籍補制制終之

日赴湯蹈火惟

陛下所

命臣不敢愛此犬馬之軀以仰負

覆載生成之厚仍乞以此比照爲本生父母給假之

例著爲

令甲永垂遵守如此則

皇上議禮制度信乎建諸天地質諸鬼神考諸

太祖而有光傳之萬萬世而爲法矣臣不勝感戴戰

慄之至

條陳善後未盡事宜以備遠畧以圖治安疏

臣惟決策於多事之秋則必有權宜之術而圖

治於安平之後又必有經常之規福建之事至

壬戌癸亥變已極矣故臣於上年所以經畫而

措置者自五寨三路之外皆爲一切權宜之計

以紓目前之急今則仰藉

皇上聖武事固稍稍定矣而臣又以補制得代若不

圖爲經常之規以爲久安長治之計則名將不

可以多得客兵不可以常恃

內帑不可以時出而覆轍相尋後將何賴臣用是
大懼行將出境不能解於其懷所以上酬

陛下委寄之重下答閩人仰望之殷蓋有六事焉敢
條列以

獻誠自知爲九九之術然愚者一得不勝芹曝之私
伏乞

勅下該部再加看詳如果芻蕘可采畧見施行則地
方幸甚臣愚幸甚

一曰議將

夫今日閩中大將有如總兵戚繼光者亦
可謂鳴世之英無以尙矣如遊擊如三路
五寨旣多得人卽有一二未稱又取諸軍
中而具足則固無容多議矣但臣之先

題止詳於海寇而未及處閩廣之寇審於客兵而
未遑練本省之兵今則欲兼而舉之始知
其有所未盡譬之學然後知其不足也且
以入閩之機務總萃於戚繼光之一身此
憂勞所以成疾而精力屢以告疲於是增

設戶將之議紛紛然起矣臣有說焉福建有都行二司備員六人果盡堪軍旅之寄則此六人者固皆大將也爲今之計謂宜勅下該部轉行撫按衙門會同總兵官戚繼光將都行二司見任堂上官從公考察具

奏去留卽許於軍中查舉才勇素著資望相應者

聽該部照缺推補載之鎖巡

璽書隨宜委用於內仍銓註訓練主兵都司二員務得人如守備胡守仁把總傅應嘉當之如此則官不必備而分任有人事得其理而戍務可振矣伏乞

聖裁

二曰議兵

臣嘗聞之見兔而顧犬未爲晚也忘羊而捕牢未爲遲也福建之兵所以不足用者爲其積弱也爲其未練也臣嘗練之而又病於未專也夫未練與練而未專則均謂之無兵也亦宜是客兵之調終不可罷然

而非策矣爲今之計宜取各縣團操民壯之半與各巡司弓兵之應故事者查照客兵事體自額設工食之外仍聽巡撫衙門以軍餉增給月足口糧一兩盡集之省會分爲二營務足三千三百人聽練兵都司分統訓練卽因以課都司之賢否而賞罰之兵有弗堪則奪其食另於邊海取壯健充補數有弗及卽動支軍餉募而足之每營必以三千二百人爲成數教之三月而成列六月而藝精一年則屢小試之而有勇知方乃又擴而增之而漸減客兵之半至於盡罷客兵而止但軍旅之事法尙威嚴而訓練之初易生謗怨必欲成節制之師爲安攘之助須撫按諸臣與練兵都司身任其責真能一國非之而不顧衆人議之而愈堅務使總兵之令得行於都司都司之令得行於把總把總之令得行於哨官哨官之令得行於隊長隊長之令得行

於部卒自上而下體統森然自下而上畧無阻撓凡在武場之中得以軍法從事必兵皆畏將權不下移如臣與戚繼光在浙東時然如是而練兵不精臣未信也若安常習故憂讒畏譏徒擁兵權僅同兒戲如是而練兵有成臣亦未信也此在今日爲閩中第一急務如以七年之病求三年之艾苟爲不蓄終身不得臣請自今蓄之也
伏乞

三日議食

福建之患所以一甚至此者其弊固始於無兵而其源尤起於無食興化之變全閩且騷然動矣自非仰仗

皇上下破常格屢發

內帑極力拯援則閩之爲閩未可知也夫救患於將然則事半而功倍圖事於旣去則所費不貲而未必能濟今閩事甫定寇情叵測

備未可以少弛兵不能以不練若不先爲
足食之謀則臨渴掘井嗟又何及臣嘗及
覆計之福建賦稅未入於

朝廷其爲數亦夥矣夫以惟正之供則如彼仰給之
意又如此臣子之心真有岌然不能自靖
者然臣又竊思焉此賦也此稅也皆出之
於土地人民也今土地則荒蕪矣人民則
離散矣豈惟離散又聚而爲盜賊而賦稅
亦無所於供如此則曷若且以福建之賦

稅平福建之禍患定以五年爲率禍患果
已盡平人民果已盡安土地果已盡闢賦
稅果有所輸則仍行盡數起解如此則公
私具利而上下並受其福不然是才有
所吝而尺有所遺臣不知其可也且福建
爲山海之區財源素狹以通省計之不及
江浙一大郡今卽請畱秋折屯折鹽折每
歲除興化一府寧德等縣蠲免外僅可得
銀一十萬兩不逮額餉三中之一其不足

之數雖偏加搜括亦惟糧剩銀之三萬塩鈔另派扣出料銀之二萬八千如此而已其於原題歲計三十二萬猶欠一十六萬有奇尙不免別有陳乞若又謂秋糧折銀決不可畱則其爲數益寡卽定以五年之期與臣今年有冥探力索儲以預待亦讒足二年之用將來事勢益不可支而惟正之供亦同歸於逋負而已矣再照全閩之地被患極甚拖欠極多加以有司催科無法項項取盈事未及濟而民已先病且去而爲盜矣臣愚謂宜且緩其舊欠而嚴其新徵責之年完一年庶幾用其一而緩其二財用有所出而民生亦不苦矣伏乞

聖裁

四曰議有司

臣惟生民之休戚係於守令賢否而令於民親其職爲尤重福建列縣屬在山海之間素號簡僻然而山川險阻地方綿廣加

以近年風俗薄惡豪右縱橫最稱難治在昔縣令雖未盡爲甲科四尙十居三四今則一省纔得五人耳餘皆來自舉監教職且強半爲江廣之產此銓曹就近用人謂於土俗民情相習固美意良法但江廣雖稱多才豈必人人皆善舉監教職固有卓異英賢超出風塵之外然而委靡弗振以資格而自廢者則十嘗六七又所處非善地重以時艱詎惟無遠志且無固心焉卽有所謂卓異英賢超出風塵之外者亦僅以清白自守圖惟安靜苟免謗訕如是而已至於任怨任事能與斯民痛癢相關者則求什百於千萬而絕無其人此賦役不均刑罰不中民生日病盜賊日滋逋負日盛法紀日頽理有固然勢將何極臣甚憂之謂當此大計羣吏之時亟爲更置而補以科甲之英與揀選人才之後仍乞

天語丁寧撫按官自是嚴加甄別但係賢能一體舉

薦不許較量資格在進士則挽之惟恐不
及於舉監之賢則隱而弗彰而又博選於
四方不專取於江廣如此則百察思奮而
地方有攸賴矣伏乞

聖裁

五日寬海禁

臣惟

華之分界限不可不嚴而貨利之津人情實不

可壅宋臣蘇軾謂宜以不治治之臣嘗愛

其說以爲得馭戎狄之至要况閩人濱海
而居者不知其凡幾也大抵非爲生於海
則不得食海上之國方千里者不知凡幾
也無中國綾錦絲枲之物則不可以爲國
禦之愈嚴則其值愈厚而趨之者愈衆私
通不得卽攘奪隨之昔人謂弊源如鼠穴
也須畱一箇若還都塞了好處俱穿破意
正如此今豈惟外夷卽本處魚鰕之利與
廣東販米之商漳州白糖諸貨皆一切禁

罷則有無何所於通衣食何所從出如之
何不相率而勾引爲盜也爲今之計正宜
嚴禁日本不許私通外其他如採捕魚鮮
貿易米穀與在廣東轉販椒木漳州發賣
白糖之類悉宜如臣近日將各府單桅船
隻定爲號色編立保伍聽於附近海洋從
便生理之意推廣而行但有勾引事發乃
行連坐重治如此雖未必盡無法外之遺
姦但天下之事豈有皆利而無害惟當權

其分數之多寡即使爲賊者半爲商者半
或爲商者十之七爲賊者十之三則彼之
分數旣減而我之致力亦易不尤愈於相
率而共爲盜乎第其事多變通法難執一
如蒙

勅下該部再加看詳轉行福建撫臣就近酌處便宜
行事惟取其有裨於成算不必淆亂於人
言則小人之衣食有寄而地方之禍患自
消矣伏乞

聖裁

六日增設縣治

福建山民往往嘯聚爲盜至父子相繼莫之誰何蓋自昔而然矣其故蓋起於山川險阻地里綿曠距縣爲遠政令莫及卽大加征剿率無過四五年而不復叛者且每一用兵小費則數萬大則數十萬載在故牒厯厯可數至如汀州之溪南漳平之和睦集賢二里與寧德之東洋則其甚者蓋皆在諸府各縣之交有如三窟可以藏避必欲爲久安長治之計僉謂設縣最便在溪南則宜縣於河埠如前任南贛巡撫都御史陸穩所

題在和睦集賢則宜縣於東西坑巡檢司在東洋則宜就本處爲縣治先年僉事舒春芳已嘗爲之堡矣且民情亦所樂趨而久議未定緣惜小費而不念用兵之費則當幾倍於此也哉又謂糧額太狹卽臣請無論起

運但穀存畱則亦不病于狹如蒙

勅下該部再加看詳如河埠則處置已備卽請

欽賜縣名開設衙宇建立城池學宮選官從事似無

他疑至如東西坑東洋二處須再行撫按

將各地方備細分割一切事體處置周詳

具

奏施行如此則兵不血刃盜息民安而

陛下永無南顧之慮矣臣不勝懇切祈望之至伏乞

聖裁

譚襄敏公奏議卷之三

知宜黃縣事後學武原顧所有纂修

恭謝

天恩疏

隆慶元年六月朔題

臣待罪四川巡撫於嘉靖四十五年十一月日

蒙

聖恩陞臣兵部右侍郎兼都察院右僉都御史總督

兩廣軍務兼理糧餉兼巡撫廣西地方臣聞命

卽焚香望

闕叩頭謝

恩訖隆慶元年三月初二日始與巡撫四川都御史
陳炯交代出疆兼程前進逮本年五月二十七
日至廣東南雄府受原任提督兩廣都御史吳
符驗一道預備倉糧并督徵錢糧
勅書各一道

令旗令牌各五百副并肇慶府申送新降關防一
顆臣當卽望

闕叩頭謝

恩接管外竊念臣才識庸陋無可比數伏蒙

先帝晉之崇階畀之重任比臣具疏自陳又伏蒙

皇上溫綸勉畱臣戴此

隆恩

天高地厚誠不勝感激卽今兩廣地方雖稱盜多財
匱臣敢不誓竭犬馬勉濟時艱以圖報稱至於
效與不效則非臣之愚所能逆覩也

照例添設總兵中軍官員以便訓練疏

據鎮守廣西地方總兵官俞大猷鎮守廣東地方總兵官湯克寬呈稱照得職等標下隨征兵勇必得中軍坐營官一員統領訓練查得福建等處鎮守總兵官原題設坐營署都指揮僉事一員又設中軍以都指揮體統行事署指揮僉事二員職等事體與之相同合照例

請設以都指揮體統行事坐營把總各一員前來統領訓練各兵等因到臣臣看得鎮守總兵官員

荷

九重推轂之委專一方征伐之權任至重矣故必有標下之兵以崇居重馭輕之勢亦必有坐營之職以爲分任佐理之司不但訓練標兵支放月糧督造器械爲坐營官所有事卽文移往返如巡按御史不便行之總兵而行之坐營總兵官不便行之諸司而行之坐營自是事體且總兵或移鎮於外坐營則居守於內總兵或調度於中坐營則宣力於外此其關係爲尤重而不容以一日缺焉者也故在福建總兵官旣設有坐營署都指揮僉事一員又設有中軍以都指揮體統行事把總二員在先年鎮守惠潮伸威營總兵官亦設有中軍把總指揮僉事一員其人陳其可是也緩從征歲久積勞成病放回調理今兩廣旣各專設有鎮守總兵則前項官員委不可缺但查先年鎮守惠潮伸威營總兵官卽今湯克寬是也于時所設中軍人員止是指揮僉事職任委屬太輕此俞大猷湯克寬所以必

欲

請各設以都指揮體統行事坐營官一員似亦相應及照原任伸威營中軍指揮僉事陳其可久服行陣多歷戰功事在前督撫兵部右侍郎吳

與臣先年提督福建軍務時所有捷書班班可考今查所患疾病業已痊可如蒙伏乞

勅下該部再加查議上

請於鎮守廣東廣西總兵官標下照例各設以都指揮體統行事坐營官一員其在廣東總兵官標

下謂宜卽以原任伸威營中軍指揮僉事陳其可推補廣西總兵官標下亦宜就俞大猷營中查取素有勞績官一員推補如此則兵將相識任使得人而軍務爲有賴矣臣愚不勝幸甚

議處添設將官便督調以安地方疏

隆慶元年七月初二

據廣東都布按三司呈奉巡撫廣東僉都御史

李及巡撫福建都御史塗澤民巡按福建監

察御史胡維新題稱廣東南澳與本省互鍾銅

山寨切近盜賊不時出沒乞設叅將一員于廣

東大城所駐劄督理兩省兵船防禦該兵部覆

議合候

命下在將大城所添設水路叅將一員統督銅山柘

林等寨把總守備兵船常川在於南澳東西信

地加謹防捕如有盜賊生發即便會合追剿仍聽閩廣兩省撫按官節制調度其添兵糧餉造船工料與叅將把總衙宇各該撫按衙門徑自議處施行等因具題節奉

聖旨是欽此備咨查照欽遵兵部推得署都指揮胡守仁相應補大城所叅將題奉

欽依備咨前來臣會同巡撫廣東李都御史巡按廣東王御史議照擇要害以置將領備禦誠貴於周詳分疆界以明職守事權最病於牽制查得潮州府地方先年會議總兵俞大猷駐劄府城山海頗稱寧靖後因本官被論閑住主將缺人續奉

欽依以福建總兵官戚繼光兼制二省本官見廣東地方多事潮州爲亟閩省山海之寇竊發無時旣以專劄鎮城難便遙制異省條陳揭帖事宜遂該福建撫按衙門具疏題

請議於大城所添設叅將一員實所以代本官之右臂也近因言官建議題奉

欽依特專設總兵官湯克寬鎮壓全省專劄潮州府城其福建總兵已免兼制之勞矣前提督兩廣兵部右侍郎吳於題

請設柘林守備疏內亦已備言大城所不必添設叅將之意反覆詳盡夫廣省水寨未創之先南澳一帶委覺無備廣東未有總兵之先大城所叅將亦應添設今則柘林水寨設有守備一員碣石水寨設有把總一員各分管南澳等處地方統之以南頭叅將而潮惠二府又設有叅將一

員專管陸路兵防且有總兵官員親握重兵專劄潮城又有海防兵備往來監督是水陸各有專官將領不見缺乏體統相維血脉聯絡洵防之計似無遺策矣況南澳本潮州地方而大城所離府城止八十里柘林等兵不專統於本省之大將而分屬於異省之編裨權柄倒置事體既覺舛謬惠潮既有叅將二員而咫尺之地又設叅將一員十羊九牧責任愈見牴牾將多兵冗彼此推託且疲困府分糧餉缺乏支應艱窘

後愈難繼各該司道前後議呈誠爲有見伏乞
勅下該部再加詳議將新設大城所參將胡守仁列
銜閩中專在漳州詔安駐劄統轄玄鍾銅山等
寨官兵如漳州原設有參將或將本官裁革別
用其廣東柘林兵船仍聽南頭參將統領各明
定疆界互相應援如賊由西行則廣兵邀其前
閩兵擊其後賊由東行則閩兵邀其前廣兵擊
其後中嚴會哨之法務成犄角之勢仍就近俱
聽總兵湯克寬調度無事閩廣水兵工食俱各
於本省關支有警逐日行糧則隨所在支給庶
閩廣各有專官而職守不致侵越兵防愈飭海
氛可寧地方幸甚臣等幸甚

條處驛傳事宜以蘇困敝疏隆慶元年七月十一題
據廣西布政司呈先奉撫按衙門案驗行各分
守道及府州縣查理驛傳自嘉靖四十一年以
前各該站銀應存應扣之數及已完拖欠各若
干逐一查明分別果係應存驛遞支用拖欠在
民者盡行蠲免若係應扣戶部之銀雖在小民
拖欠亦要作速徵解如有侵欺卽行追究仍通
取查過數目備細開呈以憑

奏報施行依奉通行分守桂林等道及桂林等府

查得桂林等府屬共拖欠各年分應扣解銀一萬九千八百四十八兩七錢伍分六厘各屬皆稱鄉民編充船馬驢夫日逐應付公使無息民力困竭前項所扣銀兩拖欠向無輸納等情近奉

詔盡蠲免今照各該驛遞拖欠扣解船馬驢夫鋪陳廩糧等銀係近年建議扣解戶部錢糧並不係額辦之數且在四十二年以前似與欽奉

恩詔相合無俯念邊隅田土瘠薄生民疲困將前銀遵奉

恩詔蠲免等因到臣臣會同巡按廣西監察御史朱炳如議照扣驛銀以資邊餉固先年謀

國之權宜而寬積欠以免征求尤今日恤民之至要蓋廣西地方土瘠民窮驛傳之編額徵有限雖惟正之供尙猶苦於不給而額外之扣豈能責以時輸以故嘉靖四十一年以前相應扣解之數共積欠至一萬九千八百有奇非有司之弗勤誠民力之已竭此乃至於今該司通行各

該道府逐一清查委果拖欠在民又係欽奉

恩詔蠲免之列委應准與停徵以示寬恤如蒙乞

勅該部再加查議將廣西所屬各府驛遞應扣解嘉

靖三十九年四十年四十一年分前項未完銀

兩遵奉

恩詔悉與蠲免庶斯民獲一分之惠而困敝可少蘇

矣

比例陳情乞

恩贈母疏

竊念臣以一介書生行能寡薄仰荷

朝廷作養積官卿貳奉

命總督兩廣軍務恭遇

皇上龍飛

九五

覃恩海內

日月所照霜露所霑凡有血氣盡被

恩榮如臣疏賤亦蒙

皇上特賜

誥命遠及臣祖下逮臣妻

榮踰望外感切寸衷且

本朝舊例

推恩不及前母乃者大小臣工如前任刑部尙書黃

光昇等各以前母比例陳乞

加恩特蒙

皇上均

賜俞允此又

曠蕩之

典可為萬世之法伏念臣父先年娶臣前母黃氏生

臣兄經見任雲南武定府推官不幸黃氏早故

繼娶臣母羅氏生臣自幼受學臣兄致有今

日則前母黃氏於臣雖無鞠育之恩而能生臣

兄以教臣成就之恩與鞠育等今幸遇

皇上

特恩開此

新例真千載之奇逢爲人子所希邁臣故敢冒昧比
例陳情伏乞

勅下該部比照尙書黃光昇事例議擬上
請將臣前母黃氏一體

追贈臣誠不勝感激屏營待
命之至

恭謝

天恩疏

隆慶元年十二月初一日該禮部差指揮舒煥
齋捧欽奉

皇帝勅諭

朕卽位之初念爾等效職勤勞宜有錫賚以隆
恩典爾等其體朕至意益盡忠誠用副委任故諭特
賜總督右侍郎譚綸紵絲三表裏臣綸祇領望

闕叩頭謝

恩訖竊念臣備位邊疆奉職無狀恭遇

皇上嗣登

大寶

政令一新臣自分鰥曠宜蒙

黜罰乃荷

溫綸勉勞

錫命輝煌受此

高厚之

恩即粉骨碎身無以爲報自是敢不益勵初心勉圖

後效實心爲民忠誠體

國手以仰答

至懷少盡犬馬於萬分之一臣不勝感戴激切之至

比例陳情乞

恩廕弟疏

隆慶二年三月十一日欽奉

詔書內一款兩京三品以上文官未及三年考滿者
許廕一子入監讀書欽此欽遵備行兵部武庫
清吏司呈堂已經三年考滿廕一子者不必開
報外其未及三年考滿者查取應廕一子備開
姓名年歲前來以憑題

請施行等因到司案呈到部備咨到臣竊照臣於嘉

靖四十二年七月初六日准吏部咨陞授都察院右副都御史提督福建軍務兼巡撫地方四
十三年五月十九日得報奏

准補制十四年九月起復都察院右副都御史巡撫陝西未任尋以原職巡撫四川地方四十五年三月十一日到任本年閏十月陞兵部右侍郎兼都察院右副都御史總督兩廣軍務隆慶元年三月初二日在四川交代出境本年五月二十七日在廣東地方行事本年十月准兵部

咨奉

旨行取回京本年十二月十七日在廣東交代出境尋准吏部咨該本部會題奉

聖旨着回部管事前後共歷正三品俸通計三十個月零二十六日茲未逮考滿之期恭遇

延世之賞臣誠不勝幸甚願念臣見生一子甫及四齡未堪送監讀書臣謹查得嘉靖二十七年十

二月內有總督宣大等處地方軍務都察院左都御史兼兵部左侍郎翁萬達爲集衆論酌時

宜以圖安邊事荷蒙

先帝鴻恩准廕一子入監讀書該本官奏行吏部將
伊弟生員翁萬程題准承廕今臣有親弟譚綵
年一十五歲見充江西撫州府宜黃縣儒學廩
膳生員如蒙伏乞

勅下該部將臣弟譚綵比照翁萬程事例題

請承廕錄用以圖補報臣愚無任祈懇感激之至

特薦大將講求車戰共圖安攘疏

竊惟臣以一介草茅仰荷

國恩備位卿貳總督兩廣已踰涯分卽捐糜不足
爲報也伏念臣自筮仕以來側聞胡人爲邊
患常私心憤之以爲何緣得二三同志之臣請
朝廷一旅之師講求車戰之法一伸撻伐之威乃
恭遇

皇上乘龍御極

召用直言極諫之臣有給事中吳時來者起自謫所

言集錄公奏議 卷之三 十八
首陳破之策蓋誠有見於

陛下爲不世出之

主真大有爲之

君遂以

中興之業望

陛下忠謀之臣若時來者誠足多也比引薦折衝禦

侮足稱

陛下任使者數人總兵官俞大猷戚繼光以遠臣愚

陛下不量臣不能

下之部議乃以素稱名將如戚繼光者列在用否之

間堪任大將如俞大猷者寘之不用而獨請

旨將臣行取赴京臣聞

命之初誠不勝大懼夫練兵破臣之素志懼之云

何蓋懼不得大將如俞大猷名將如戚繼光者

與臣共事於疆場之間而以白面書生謂堪獨

任恐終上負

陛下任使無益成算耳茲幸戚繼光業已奉

旨取用獨俞大猷者竟復見遺而不知今日破之

言襄公奏議 卷之三 十九
策決非車戰不可而能盡車戰之法實惟俞大猷一人卽臣與戚繼光皆自以爲不及而

廟議顧不之許蓋緣

陛下與在

廷諸臣尙未深知俞大猷之爲人耳臣請據實爲陛下陳之謹按俞大猷秉義懷仁篤信好學休休大度不徒爲將畧之優翼翼小心直論其人品之粹居常亦自比於管樂言有大而非誇用兵實有類於穰苴道則正而不譎曰老成持重殆子

儀充國其人語文武才猷則方叔吉甫之侶旣絕口不談功利卽謗言朋起亦順受而不辭且乃心恒在

國家當時事難爲獨慷慨而敢任堅定之性撓不濁而澄不清敬義之功榮不加而窮不損生平奮激志滅強 蒲腹甲兵獨重車戰當此之時而意氣彌勵則他日負荷可知故臣每許之爲社稷之臣而臣亦服其有元戎之具今年齒雖踰六十精力尙似少年在大猷旣自不肯服老而臣

亦每幸其益壯

陛下有臣如此且屬在多事之秋乃緣其不自表暴
遂棄之一隅使不得展其平生而顧以破之
事責之於臣此臣所甚懼而重爲

陛下惜之故敢冒昧以言伏乞

勅下該部再加查訪如果臣言弗謬將兪大猷照戚
繼光事理行取赴京與臣等講求車戰之法練

兵破少紓

皇上西顧之憂仰贊

皇上中興之業天下幸甚臣愚幸甚



東華書院藏

五十四

